



SAMNINGUR UM LANDSMÓT HESTAMANNA 2022

Á KJÓAVÖLLUM

4. til 10. júlí 2022

SV OP Ra. 244

Samningur um Landsmót hestamanna 2022 á Kjóavöllum

Landsmót hestamanna ehf. kt. 501100-2690 Engjavegi 6 í Reykjavík (hér eftir nefnt LM), og LM 2022 ehf. kt. 621019-0660, (skv. fyrirtækjaskrá RSK), (hér eftir nefnt LM 2022 ehf.), gera með sér samning um mótshald Landsmóts hestamanna 2022 á Kjóavöllum (hér eftir nefnt LM2022).

LM 2022 ehf. er félag í eigu Hestamannafélagsins Sprettis kt. 590712-0940 (hér eftir nefnt Sprettur).

LM er í eigu Félags hrossabænda kt. 520293-2999, Bændahöllinni við Hagatorg, (hér eftir nefnt FHB) og Landssamband hestamannafélaga, kt. 710169-3579, Engjavegi 6 í Reykjavík, (hér eftir nefnt LH).

Stjórn LH velur og ákveður landsmótsstað hverju sinni að höfðu samráði við LM, sbr. gr. 6.1. laga LH. Stjórn LM skrifaði undir viljayfirlýsingu við Hestamannafélagið Sprett um að halda Landsmót 2022 á Kjóavöllum.

LM og LM 2022 ehf. eru sammála um að vinna sameiginlega að því að halda Landsmót hestamanna 4. til 10. júlí 2022 þar sem að leiðarljósi er haft fjárhagsleg hagkvæmni, félagslegt réttlæti og samfélagsleg ábyrgð. Mótið skal fara fram skv. lögum og reglum LH.

A. Réttur til þess að halda LM2022

1. gr.

Veiting réttar til þess að halda LM2022

Með samningi þessum veitir LM, LM 2022 ehf. rétt til þess að halda Landsmót hestamanna á félagsvæði sínu á Kjóavöllum dagana 4. – 10. júlí 2022. Í þessu felst að LM 2022 ehf. sér um og ber ábyrgð á rekstri LM2022.

Afgjald sem LM 2022 ehf. greiðir LM fyrir réttinn er 8% af andviðri seldra miða en þó ekki hærri fjárhæð en 7.000.000 kr. Gert er ráð fyrir útgáfu 12.500 miða sem skulu vera númeraðir og skal miðasala fara fram með viðurkenndum hætti sem aðilar hafa kynnt sér og eru sammála um. Miðaverð verði sambærilegt miðaverði á undanförunum landsmótum.

Uppgjör á sér stað í gegnum sölukerfi sem valið er fyrir mótið og greiðist hlutur LM jafnhliða uppgjóri við miðasölufyrirtækið strax að loknu móti. Frímiðar af hálfu mótshaldara eru að hámarki 500 og skulu merktir sérstaklega og koma ekki til útreiknings á afgjaldi. Frímiðar umfram 500 koma til útreiknings á afgjaldi. Mótshaldarar skulu halda utan um og skila upplýsingum um frímiða til LM.

LM á rétt á 40 vikupössum án endurgjalds og skal skila inn upplýsingum til LM 2022 ehf. um hvernig þeim verður ráðstafað fyrir 15 júní 2022.

LM hefur, án sérstakrar greiðslu, rétt á að bjóða styrktaraðilum LH, FHB og landsliðs Íslands í hestaíþróttum sýnileika á Landsmótinu. Mun sá sýnileiki fela í sér að styrktaraðilar LH, FHB og landsliðsins fái a.m.k. þrjár síður í mótsskrá mótsins (eina framarlega, eina fyrir miðju og eina fyrir aftan miðju), á heimasíðu Landsmótsins og á mótsstað í formi einnar fánaborgar og eina auglýsingu á risaskjá. Munu styrktaraðilar LH og landsliðsins vera kynntir sérstaklega sem slíkir, til aðgreiningar frá öðrum styrktaraðilum Landsmóts.

LM 2022 ehf. mun fá afnot af eftirtöldum eignum LM á LM2022 endurgjaldslaust: rafmagnstenglum, dómhúsum og tímatökubúnaði. Sprettur fær afnot af léninu www.landsmot.is frá og með 1. september 2020 til 31. ágúst 2022. LM 2022 ehf. stendur straum af öllum kostnaði sem til fellur vegna vefsins á þessu tímabili. Kostnaður sem fellur til vegna skráningakerfisins Sportfengs fellur á mótshaldara.

Komi til óyggjandi forsendubrests varðandi mótahaldið verður samningurinn tekin til endurskoðunar.

LM 2022 ehf. afhendi LM ársreikning LM2022 fyrir 1. maí árið 2023. Einnig fái LM afhent afrit af skýrslum sem gerðar eru um mótið svo sem skýrslu framkvæmdarstjóra og öðrum skýrslum og rannsóknnum sem gerðar verða um mótið fyrir 1. maí 2023.

B. Mótssvæðið

2. gr. Almennt

LM gerir ákveðnar kröfur um aðbúnað mótssvæðisins, aðstöðu fyrir gesti, keppendur o.fl. Rétti til þess að halda LM2022 fylgja þær skyldur sem nánar er fjallað um í þessum samningi.

Mótssvæðið skal vera þannig að þar sé hægt að taka á móti allt að 12.500 gestum og allt að 1.200 hrossum. Skal mótssvæðið og aðgengi að því taka mið af þessu og þeim almennu kröfum sem opinberir aðilar gera.

3. gr. Uppdráttur af svæði

LM 2022 ehf. leggur til mótssvæðið, í samræmi við meðfylgjandi uppdrátt, merktur sem fylgiskjal A. Skal endanlegur uppdráttur af mótssvæðinu liggja fyrir við undirskrift.

Uppdrátturinn skal hnitsettur og unninn af viðurkenndum aðila. Á uppdráttinn skal m.a. merkja og afmarka sérstaklega mótssvæðið sem slíkt, akvegi, reiðleiðir, girðingar, upphitunarbrautir, hringvelli, sýningarbraut, neyðarleiðir, dómpall, dómaraaðstöðu, áhorfendasvæði, þ.m.t. svæði fyrir snyrtingar, salernisaðstöðu, þjónustu- og markaðssvæði, bíla-, kerru-, og gámastæði, tjaldsvæði, hjólhýsa- og tjaldvagnaaðstaða, rafmagnstengla, spennistöðvar, aðstöðu fyrir hestamannafélög og keppendur, skrifstofuaðstöðu, fjölmiðlaaðstöðu, barnagarð, vatnslagnir og rafmagnslagnir.

LM og LM 2022 ehf. skulu samþykkja framangreindan uppdrátt með undirritun sinni á hann. Komi til breytinga á uppdrætti eftir framlagningu hans skulu báðir samningsaðilar vera ásáttir um þær breytingar og samþykkja þær sérstaklega með undirritun sinni á nýjan uppdrátt.

4. gr. Afmörkun mótssvæðis

Afmörkun svæðis er skilgreind á uppdrætti á fylgiskjali merktu A.

5. gr.
Keppnis- og sýningarvellir

Á mótssvæðinu skulu vera upphitunarbrautir keppnis- og sýningarhrossa, hringvellir, (aðalvöllur, upphitunarvöllur) ásamt sýningarbraut fyrir kynbótahross og kappreiðabraut. Keppnisvellir skulu uppfylla þær kröfur sem gerðar eru skv. lögum LH vegna þeirra keppna sem fara fram á LM2022. Þá skulu sýningarvellir uppfylla kröfur reglna BÍ um kynbótasýningar, sbr. 2. tölul. viðauka við reglugerð nr. 442/2011, um uppruna og ræktun íslenska hestsins.

Allir vellir skulu undirbúnir í samráði við mannvirkjanefnd LH. Umsjón valla og kostnaður vegna viðhalds á þeim í aðdraganda LM2022 og á meðan á mótinu stendur skal alfarið vera í höndum Sprettis.

6. gr.
Stjórnstöð LM2022 og aðstaða fyrir fjölmiðla

LM 2022 ehf. skal útvega skrifstofuaðstöðu á mótssvæðinu fyrir stjórnstöð LM2022 sem og skrifstofuaðstöðu fyrir fjölmiðla.

7. gr.
Aðstaða dómara

LM 2022 ehf. skal sjá til þess að við alla velli verði dómpallur og dómaraaðstaða fyrir þuli og starfsmenn eftir því sem þörf er á. Þá skal gera ráð fyrir að koma þurfi fyrir sérstakri stjórnstöð dómara. Í stjórnstöð dómara skulu vera 10 ampera rafmagnstengingar og ljósleiðaratenging. Þá skal vinnuaðstaða dómara vera viðunandi að mati LM.

8. gr.
Gæsla

Öll gæsla, þ.m.t. öryggis- og löggæsla og vakt heilbrigðisstarfsfólks, á mótssvæðinu á LM2022 verður á hendi LM 2022 ehf. LM 2022 ehf. skal sjá um alla samninga um gæslu við og á mótssvæðinu eins og það er skilgreint í fylgiskjali A. Umfang gæslu skal miðast við þarfagreiningu og tímaáætlun sem verkefnisstjórn LM2022 vinnur eða lætur vinna og skal hún liggja fyrir eigi síðar en 1. nóvember 2021. LM 2022 ehf. skal sjá til þess að á mótssvæðinu verði aðstaða fyrir starfsmenn sem sinna öryggis- og löggæslu og vakt heilbrigðisstarfsfólks á LM2022.

9. gr.
Áhorfendasvæði

Áhorfendasvæði við velli skulu taka mið af heildarfjölda gesta á LM2022, samtals 12.500 gestum. Gert er ráð fyrir að áhorfendasvæði verði við velli og skulu þau auðkennd á uppdrætti á fylgiskjali merktu A. Tryggja skal gott aðgengi fatlaðra að áhorfendasvæði.

10. gr.
Akvegir og umferðarstjórnunaráætlun

Alla akvegi skal auðkenna á uppdrætti á fylgiskjali merktu A. LM 2022 ehf. skal bera ábyrgð á að akvegir innan mótssvæðis verði rykbundnir, eftir því sem það getur átt við.

LM 2022 ehf. skal láta viðurkenndan aðila, t.d. Vegagerðina, lögreglu eða verkfræðistofu, vinna umferðarstjórnunaráætlun fyrir LM2022. Umferðarstjórnunaráætlun skal fjalla um akandi og gangandi umferð gesta, keppenda, m.t.t. staðsetningar bílastæða, tjaldstæða, áhorfendasvæða, markaðssvæðis o.þ.h. til og frá mótssvæðinu og innan þess. Umferðarstjórnunaráætlun skal miða að því að gestir, starfsmenn LM2022, keppendur, hross, þjónustuaðilar og viðbragðsaðilar hafi góðan og greiðan aðgang að mótssvæðinu og að umferð innan mótssvæðisins gangi vandræðalaust fyrir sig og að umferðarhnútar myndist ekki. Þessi umferðarstjórnunaráætlun skal liggja fyrir eigi síðar en 1. nóvember 2021.

11. gr.
Neyðarleið

Á uppdrætti skal sérstaklega merkja neyðarleið fyrir sjúkrabíla og aðra viðbragðsaðila. Jafnframt skal skilgreina á uppdrætti aðstöðu löggæslu og almennrar gæslu.

12. gr.
Hreinlæti og salernisaðstaða

LM 2022 ehf. sér um öll hreinlætis- og salernismál á mótssvæðinu sem skulu fullnægja kröfum heilbrigðisfyrivalda með hliðsjón af reglum um útsamkomur og þeim fjölda gesta sem samningur þessi miðast við, þ.e. allt að 12.500 manns. Salerni og sorpstöðvar skulu merktar inn á uppdrátt á fylgiskjali merktu A. LM 2022 ehf. skal sjá til þess að mótssvæðið sé snyrtilegt á meðan á móti stendur.

Gert skal ráð fyrir að endurvinnanlegum umbúðum, s.s. flöskum og dósum, verði safnað í sérstök ílát. LM 2022 ehf. eða aðili á þeirra vegum skal njóta góðs af skilagjaldi umbúðanna.

Fjöldi salerna og sorpstöðva skal vera í samræmi við þarfagreiningu sem verkefnisstjórn LM2022 lætur vinna og skal hún liggja fyrir eigi síðar en 1. nóvember 2021.

13. gr.
Vatn

LM 2022 ehf. skal sjá til þess að nægjanlegt drykkjarhæft vatn verði til staðar á mótssvæðinu, þ.m.t. á tjald-, hjólhýsa- og tjaldvagnastæðum.

14. gr.
Þjónustu- og markaðssvæði

LM 2022 ehf. skal sjá til þess að á mótssvæðinu verði sérstakt markaðs- og þjónustusvæði og skal það auðkennt á uppdrætti á fylgiskjali merktu A og stærð þess tilgreind. Stærð þjónustu- og markaðssvæðis skal vera í samræmi við það sem nauðsynlegt þykir. Nauðsynlegar lagnir skulu vera til staðar á því svæði. Gera skal ráð fyrir því að á svæðinu verði hægt að bjóða upp á veitingar. Svæðið skal vera snyrtilegt og gera þarf ráð fyrir rúmu gámasvæði nálægt því fyrir þjónustuaðila. Svæðið skal uppfylla reglur heilbrigðiseftirlits og vinnueftirlits.

15. gr.
Rafmagn og internetssamband

LM 2022 ehf. skal sjá til þess að raforkupörf vegna LM2022 verði fullnægt, þ.m.t. fyrir veitingaaðila, starfsmenn, markaðssvæði, áhorfendasvæði, keppnis- og sýningarvelli, dómaraaðstöðu o.fl. Miða

skal við að hjólhýsastæði þurfi 630 amper, veitinga- og markaðssvæði 630 amper en önnur raforkupörf er a.m.k. 200 amper. Heildarraforkupörf er þannig a.m.k. 1.460 amper. Staðsetning spennistöðva skal merkt inn á uppdrátt á fylgiskjali merktu A.

LM 2022 ehf. skal sjá til þess að fullkomin ljósleiðaratenging verði á svæðinu. Ljósleiðaratengingu þarf a.m.k. inn í stjórnstöð dómara, stjórnstöð LM2022 og útsendingarbífreið.

16. gr.
Aðstaða fyrir hross

Tilgreina skal á uppdrætti á fylgiskjali merktu A, hvar aðstaða fyrir hross er staðsett og hversu mörg hross komast þar fyrir. Verkefnisstjórn LM2022 skal halda skrá utan um laus hesthúspláss á og nálægt svæðinu og skal aðstoða þá sem sækjast eftir plássu fyrir hest meðan á LM2022 stendur. Verkefnisstjórn LM2022 skal útbúa samningsform vegna leigu á aðstöðu fyrir hross á meðan LM2022 stendur.

17. gr.
Bíla-, kerru-, og gámastæði

Tilgreina skal á uppdrætti á fylgiskjali merktu A, hvar bílastæði fyrir mótsgesti og starfsmenn eru, stæði fyrir flutningabíla og hestakerrur, gámasvæði fyrir LM og þjónustuaðila. Bílastæði skulu vera næg og afmörkuð og merkt með greinilegum hætti. Skilgreina skal bílastæði fyrir fatlaða á uppdrættinum. Stærð þessara svæða skal skilgreind á uppdrættinum.

18. gr.
Merkingar

LM 2022 ehf. skal koma fyrir merkingum á mótssvæðinu, þ.m.t. umferðarmerkingum og leiðbeinandi merkjum fyrir gesti, keppendur, þjónustuaðila og aðra.

19. gr.
Tjaldstæði

LM 2022 ehf. skal sjá til þess að til staðar verði afmörkuð tjaldsvæði og skulu þau merkt á uppdrátt á fylgiskjali merktu A. Stærð svæðisins skal skilgreint á uppdrættinum.

Þá skal sérstaklega afmarkað svæði fyrir húsbíla, fellihýsi og tjaldvagna. Á þessu stæði skal að auki vera aðgangur að rafmagni. Á þessu svæði skal miða við að hægt verði að vera með um 300 rafmagnstengla fyrir húsbíla, fellihýsi og tjaldvagna. Stærð svæðisins skal skilgreind á uppdrættinum.

Þá skal á uppdrætti á fylgiskjali merktu A afmarka sérstaklega tjaldbúðir og aðstöðu fyrir hestamannafélög og keppendur. Stærð svæðisins skal skilgreint á uppdrættinum.

Á öllum framangreindum svæðum skal vera rennandi drykkjarvatn úr krönum og vaskaborðum eftir þörfum. Þá skal á síðastnefnda svæðinu vera aðgengi að brynningavatni.

20. gr.
Barnagarður

LM 2022 ehf. skal sjá til þess að til staðar verði afgirt leiksvæði fyrir börn og skal það merkt á uppdrátt á fylgiskjali merktu A. LM 2022 ehf. skal annast rekstur leiksvæðisins. Mælt er til þess að leiksvæði barna opni um leið og formleg keppni hefst.

C. Framkvæmdir, mótsstjórn og verkefnisstjórn LM2022

21. gr.
Framkvæmdir

Öllum nauðsynlegum framkvæmdum við velli og áhorfendasvæði skal vera lokið fyrir 1. desember 2021.

Öllum framkvæmdum skal lokið eigi síðar en 15. júní 2022 og skal þá mótssvæðið komið í umsamið ásigkomulag. Skal þá fara fram úttekt mannvirkjanefndar LH og LM.

22. gr.
Mótsstjórn

LM 2022 ehf. skipar mótsstjórn. Í henni sitja fulltrúi frá LM, fulltrúi frá knöpum, vallarstjóri, mótstjóri, yfirdómari í gæðingakeppni, hrossaræktarráðunautur Ráðgjafamiðstöðvar landbúnaðarins ehf. og framkvæmdastjóri mótsins sem kallar mótsstjórn saman.

23. gr.
Verkefnisstjórn LM2022

Verkefnisstjórn undirbýr og fjallar um verklegar framkvæmdir á mótssvæðinu, samvinnu aðila, sameiginleg hagsmunamál og markaðssetningu LM2022. Verkefnisstjórn skal skipuð og koma saman fyrir árslok 2019. LM 2022 ehf. skipar verkefnisstjórnina og m.a. munu eiga þar sæti einn fulltrúi frá LM, fulltrúar frá LM 2022 ehf. og fulltrúar frá sveitarfélögunum (Garðabæ og Kópavogi). Verkefnisstjórnin skal funda eftir því sem þurfa þykir og stjórnarmenn geta kallað eftir fundi. Formaður verkefnisstjórnarinnar er fulltrúi LM 2022 ehf. og hann boðar til funda.

D. Markaðssetning og þjónustu- og markaðssvæði

24. gr.
Markaðssetning

Stjórn og starfsfólk LM, FHB og LH mun leggja sig fram við að kynna almennt mótið. LM skal eftir atvikum markaðssetja mótið í samvinnu við verkefnið „Horses of Iceland“ verði það verkefni enn í gangi. LM 2022 ehf. mun vinna með verkefninu að markaðssetningu á mótinu og veita verkefninu aðstöðu á LM2022 ef þörf krefur. LM 2022 ehf. fær afnot af léninu www.landsmot.is frá og með 1. september 2020 til 31. ágúst 2022. LM 2022 ehf. stendur straum af öllum kostnaði sem til fellur vegna vefsins á þessu tímabili.

25. gr.
Einkaréttur á allri sölu

LM 2022 ehf. hefur einkarétt á allri sölu veitinga, varnings og þjónustu, hvaða nafni sem hún nefnist, á öllu mótsvæðinu. LM 2022 ehf. mun, eftir því sem við getur átt og eftir fremsta megni, beita sér fyrir því að framboð á vöru og þjónustu verði sem fjölbreyttast.

26. gr.
Dómgæsla

Dómgæsla í gæðingakeppni skal vera með því fyrirkomulagi að tveir dómarmar dæmi saman sem par, en ekki dómari og ritari. Gæðingadómarar eru alls 12 talsins að meðtöldum einum varadómara og einum yfirdómara. Eftirlitsdómari verður ráðinn og kostaður af LM. Dómarar eru ráðnir til mótsins samkvæmt lögum LH og kjör dómara verða samkvæmt samningi GDLH og LM 2022 ehf.

E. Fagleg stjórn LM2022 og sjónvarpsupptökur

27. gr.
Fagleg stjórn LM2022

Fagleg stjórn LM2022 skal vera í höndum mótsstjórnar, sbr. 22. gr., þ.e.a.s. stjórnun keppni og sýninga, dómaraströf, samskipti við hestamannafélög o.þ.h.

28. gr.
Sjónvarpsupptökur

LM 2022 ehf. hefur einkarétt á sjónvarpsútsendingum og netstreymi frá LM2022 á meðan á móti stendur. LM er á hinn bóginn eigandi að upptökum og hefur einkarétt á sýningum og sölu á myndefni frá LM2022 eftir að mótinu lýkur. LM 2022 ehf. ber ábyrgð á öllum kostnaði í tengslum við framangreint og heldur öllum tekjum vegna sýninga og streymis frá mótinu á meðan á því stendur.

Fyrirkomulag á upptöku og gæðum sjónvarpsefnis skal vera fullnægjandi miðað við tækni þess tíma og skal vera samþykkt af LM í síðasta lagi 1. júní 2022.

F: Sjálfboðaliðastarf

29. gr.
Sjálfboðaliðastarf

LM 2022 ehf. skal vinna að því að tryggja öflugt sjálfboðaliðastarf á LM2022. Um skipulagningu sjálfboðaliðastarfs á LM2022 skal fjallað sérstaklega í verkefnisstjórn LM2022.

G. Skemmtidagskrá og afþreying

30. gr.
Skemmtidagskrá og afþreying

LM 2022 ehf. ber ábyrgð á allri skemmtidagskrá og afþreyingu á mótssvæðinu, m.a. tónlistaratriði, tónleika og afþreyingu fyrir mótsgesti.

H. Fjármál o.fl.

31. gr. Greiðslur til LM

Eins og um var fjallað í 1. gr. samningsins veitir LM LM 2022 ehf. rétt til þess að halda Landsmót hestamanna á Kjóavöllum sumarið 2022. Í þessu felst að LM 2022 ehf. sér um og bera ábyrgð á rekstri LM2022. Þessi réttur miðast við að LM2022 verði haldið á Kjóavöllum.

32. gr. Framkvæmda- og rekstraráætlun

LM 2022 ehf. skal kynna LM framkvæmda- og rekstraráætlun vegna LM2022 eigi síðar en 1. desember 2021.

33. gr. Styrkur frá mennta- og menningarmálaráðuneyti

LH og LM sjá um, í samráði við LM 2022 ehf., að sækja um styrkveitingu frá ríki, af óskiptum liðum menningarmála fyrir árin 2021 og 2022 sem sótt er um 2020 og 2021. Skal umsóknin vera tilbúin eigi síðar en þremur vikum áður en umsóknarfrestur rennur út. Mennta- og menningarmálaráðuneyti mun þá úthluta styrkjum til verkefna er stuðla að faglegri uppbyggingu á sviði menningarmála. Styrkirnir skulu allir renna óskiptir til LM 2022 ehf. LH getur ekki ábyrgst að styrkir samkvæmt framangreindu fáið til verkefnisins enda er styrkveitingin sem slík í höndum mennta- og menningarmálaráðherra.

34. gr. Endurskoðun samnings

Samningur þessi skal endurskoðaður ef þurfa þykir fyrir 1. desember 2020 og þá skal horft til reynslu af framkvæmd og uppgjöri vegna LM2020.

I. Uppsögn samnings

35. gr. Einhliða og fyrirvaralaus uppsögn

Spretti er heimilt að segja samningnum upp einhliða, fyrirvaralaust og bó талаust fyrir 1. desember 2020.

Við eftirtaldar aðstæður er LM heimilt að segja samningnum upp einhliða, fyrirvaralaust og bó талаust.

- a) Ef LM 2022 ehf. hefur ekki uppfyllt skyldur sínar um ástand svæðisins fyrir tilgreind tímamörk, sbr. B. kafla þessa samnings.
- b) Ef um er að ræða breytingar á eignaraðild í LM 2022 ehf., þannig að geta félagsins til að uppfylla skyldur sínar samkvæmt ákvæðum samningsins minnkar verulega að mati LM.

- c) Ef fjárhagsstaða LM 2022 ehf. breytist verulega þannig að geta félagsins til að uppfylla skyldur sínar samkvæmt ákvæðum samningsins minnkar verulega að mati LM.
- d) Ef fjárnám verður gert hjá LM 2022 ehf., komi fram ósk um gjaldþrotaskipti á búi félagsins, það leiti nauðasamninga eða eignir þess auglýstar á nauðungaruppbóði.

J. Önnur ákvæði

36. gr.

Breytingar á samningnum og tilkynningar milli aðila samningsins

Allar beiðnir um breytingar á samningnum, svo og breytingarnar sjálfar ef til koma, skulu vera skriflegar.

Allar tilkynningar og beiðnir í tengslum við samninginn skulu vera skriflegar (bréf eða tölvupóstur).

37. gr.

Rísi mál útaf samningi þessum

Rísi mál út af samningi þessum skulu aðilar leita allra leiða til þess að ná sáttum. Ef sættir nást ekki skal leysa málið fyrir Héraðsdómi Reykjaness.


38. gr.

Eintök samningsins og undirritun


Samningur þessi er alls 11 blaðsíður, að forsiðu og undirritunarsíðum meðtöldum, og er gerður í tveimur samhljóða frumritum fyrir hvorn aðila.

Sérstök undirritunarsíða fylgir.

Samskipahöllin í Kópavogi, 6. febrúar 2020.


Lárus Ástmar Hannesson
F.h. Landsmóts hestamanna ehf.


Sverrir Einarsson
F.h. LM 2022 ehf.



Ólafur Þórisson
F.h. Landsmóts hestamanna ehf.


Sveinn Steinarsson
F.h. Félags hrossabænda


Vottar:


Nafn

140369-4549
Kennitala


Nafn

131055-4989
Kennitala



SKYRINGAR:

- Bilastæði
- Tjaldsvæði / ferðavagna
- Tjaldsvæði i, fjöld
- Kerussvæði
- Barnasvæði
- Göngustígur
- Reiðvegur
- Ahorfendastúkur
- Blaumferð
- Takmörkuð blaumferð
- Reiðvelli og kynbóabráut
- Garnasvæði
- Aðkoma neyðarílla
- Afmörkuð mótssvæði
- Þjónustu- og markaðssvæði
- Salernisaðstöða og drykkjarvatn
- Bilastæði hreyflamlaðra
- Aðkoma
- Spennistöð
- Ástæður fjöldi tengla er 300
- Fjöldmála- og dómaraaðstöða
- Sjómstöð, skrifstofa, wc, vellingar, aðstæða fyrir fjölmála, mótisjóra, dómara, löggeglu og dryggisgæslu
- Byggt á grunnupplýsingum frá Landform

ATHUGASEMDIR:

Hnitakerfi er í leneit 93

FYLGISKJAL A

SANDÞYKT		HESTHÚSABYGGÐ KJÓVELLIR	
A. 2019-10-16 VERKTEKING		REDSVÆÐI KJÓVOLLUM - LANDSMÓT 2022	
LÖG 2019		Skipti	
TÖL: 1000		Yfirlitamynd	
VERKJÓM: 08375		TÖL: 1000	
LÖG 2019		LÖG 2019	

